



Synfocity = 942

mail us at : mzsynfo@gmail.com; mizoramsynod@gmail.com - Phone - 2314648

June 20, 2024

❑ **Pastor-te Infuihtharna**

June 17, 2024 (Thawhtanni) atang khan Mizoram Presbyterian Kohhran Bial vawng Pastor-te infuih tharna hun hman a ni a. June 17-19 chung khan Synod Conference Centre-ah a thawh khatna neih a ni a. Hetah hian Aizawl District huam chunganga Pastor bial vawng 44 an kal thei a ni. June 19-21 chungin a thawh hnihna hi Synod Conference Centre-ah neih leh a ni a. Hetah hian Aizawl, Saitual leh Serchhip District huam chunganga Pastor bial vawng 47 an kal bawk a ni.

Pastor-te Infuihtharna hi thawh nga neih tura ruahman a ni a. Thawh thumna hi June 24-26, 2024 chungin Kolasib leh Mamit District huam chunganga bial vawng Pastor-te tan Synod Conference Centre-ah neih leh a ni ang a. July 2-4, 2024 chungin Lungleiah Chhim Bial leh Serchhip District huam chunganga Pastor bial vawng mekte tan buatsaih a ni ang a, July 16-18 chungin Champhai leh Khawzawl

District huam chunganga Pastor bial vawng mekte tan Champhaiah buatsaih a ni ve leh bawk ang.

Pastor-te infuih tharna hunah hian Synod Puipaten heng thupui hrang hrangte hi an sawi thin ang:

- 1) Pastoral Ministry kaihhraina
- 2) Kohhran mite ngaihsak
- 3) Tun lai huna Pastor-te inpekna
- 4) Pastor-te leh tunlai khawvel

❑ **ECM KNP-in Presbyterian Kohhran Hmeichhia an tlawh**

June 17-19, 2024 chung khan ECM KNP aiawh mi pariat chuan NEICC-WA Unit intlawh tawn programme-ah Presbyterian Kohhran Hmeichhiate tlawhin hun an hmang a. June 18 (Thawhlehi) khan Women Centre, Synod Hospital, Hmangaihna In leh Aizawl Theological College te fanpui an ni. June 19 (Nilaini) chawhma lamah Synod Office leh Synod Press te tlawhpui an ni bawk a. Chumi hnuah Central Kohhran Hmeichhe Office Bearer-te nen Synod office-ah inkawmna hun buatsaih a ni bawk.

June 18 (Thawhlehi) zanah Khatla Kohhran Biak Inah Inter Unit Visit inkhawm buatsaih a ni a, Central Committee member-te bakah Khatla Bial chunganga Kohhran hmeichhiaten biak in kharin he hun hi an hmanpui a ni. He inkhawm hi Pi Zothanpari, Hmeichhe Inkhawmpui Lian Chairman-in a kaihruai a, ECM lam leh Kohhran Hmeichhe General Secretary hnen atangin report ngaihthlak a ni a. Central Hmeichhe Committee leh Khatla Bial Hmeichhiaten thilpek an hlan a. ECM Nu Pawl lam atangin thuchah ngaihthlak a ni. Khatla East Kohhran Hmeichhia leh ECM Nu Pawl lam atangin Special item ngaihthlak a nih bakah Khatla South Kohhran Hmeichhe zaipawl an zai bawk a ni.

May 26-28, 2023-a neih, NEICC-WA Biennial Assembly vawi 14-na khan North East India Christian Council - Women Assembly hnuai unit-te intlawh tawn ni se tiin a rel a. Headquarters lam atangin mahni state huam chunganga Kohhran Hmeichhiate intlawh turin ruahmanna an siam a. Presbyterian Kohhran Hmeichhiate tlawh turin Evangelical Church of Maraland (ECM) Krizypah No Py (KNP) Siaha ruat an ni a, hemi bawhzui hian an rawn kal a ni. ECM KNP-ah hian branch 94 awmin member 9,301 an awm mek a ni.

Mizoram Presbyterian Kohhran Hmeichhia tlawha ECM KNP hruaitu rawn kalte chu hengte hi an ni:

1. Pi NT Sanô, President
2. Pi B Zihlua, Secretary
3. Pi F Ngôbu, Treasurer
4. Pi A Sanô, Town Executive Committee member (TEC)
5. Pi Nungô Hlychho, TEC
6. Pi K. Lallunghnemi, TEC
7. Pi B. Lalringi, TEC
8. Pi H. Dingia, TEC

❑ **Presbyterian Hindi Bible School Graduation Day vawi 72-na**

June 14, 2024 (Zirtawpni) chawhnu dar 2:00 khan Presbyterian Hindi Bible School (PHBS) chuan Laipuitlang Kohhran Hall-ah Graduation Day vawi 72-na an hmang a, zirlai 29-in tha takin an zir chhuak a ni.

Inkhawm hi Rev. R. Lalrinsanga, Principal-in a kaihruai a, inlawmna leh inhmelhriattirna a nei nghal a. Upa R. Zodingliana, Ramthar BEC member-in Zirlai ti thate hnenah Certificate a hlan a, Rev. B. Zobiaktluanga, incharge Aizawl South Masihi Sangati-in thuchah sawiin zirlaite Pathian hnenah a hlan a. Pu Lalvena Hnamte, BEC Member-in zirlai chhuakte tawngtaisakna hun a hmang a, Pi Zirnuntluangi, Office Assistant-in lawmthu sawiin Rev. P.C. Rohliran malsawmnain inkhawm a tin a ni. He hunah hian Synod Mission Choir leh NI. Kawngkharmawii te an zai bawk.

Presbyterian Hindi Bible School, Bawngkawn, Aizawl hi Mizoram Synod Mission Board chhunga hnam dang ring tharte rinna kawnga tihnghehna tura a din a ni a. August 24, 1990 khan hawn a ni a, September 15, 1990-ah zirlai mi 20 nen class tan a ni. Hun kal zelah Synod chuan India ram hmun hrang hrangah Mission Field a hawng ta zel a; chuvangin, State hrang hrang leh ram pawn - Nepal leh Bhutan atangte pawhin zirlai an lo kal thin a. A din tan, kum 1990 atanga thla thum course ni thin kha kum 1998 atangin thla ruk course-a tihsei a ni a, kum khatah batch hnihin an zir thin a ni.

❑ **Lay Leaders' Training vawi 226-na**

Synod Multipurpose Training Centre (SMTC) buatsaih Lay Leaders' Training vawi 226-na chu SMTC-ah June 18-21, 2024 chhung hian neih a ni a. Tun tum training-ah hian Presbytery pariat - Aizawl West II, Aizawl Hmar, Chhawrpial, Tuivai, Tuichangral North, Tuichangral South, Hmarchhak leh Chhimchhak Presbytery atangin Kohhran Upa 40 an tel thei a ni.

June 18, 2024 (Thawhlehi) zan khan hawna inkhawm neih a ni a, Rev. H. Lalmuanchhana, SMTC Director-in programme a kaihruai a. Upa Lalzuithanga, SMTC Managing Committee member-in training hawngin thuchah a sawi a, Tv. Israela Pachuau, Bawngkawn Chhimveng a zai bawk.

Kohhran Upate tana Lay Leaders' Training hi kum 1996 atang khan neih tan a ni a, training tawh zawng zawng hi tuna training mi 40 nen an vaiin 7412 an ni. Training-ah hian Kohhran Upate tan Kohhran enkawl dan leh inrelbawlina lam atana pawimawh chi hrang hrangte zir thin a ni a, Kohhran thlarau lam nun enkawl dan tha te zir ho thin a ni bawk.

Training kharna inkhawm hi June 21, 2024 (Zirtawpni) zan hian neih a ni dawn a, Rev. H. Lalmuanchhana, Director-in a kaihruai ang a, Rev. P.B. Mankima, Synod Secretary-in trainee-te hnenah Certificate semin thuchah a sawi ang a, trainees atangin thusawi ngaitlak a ni bawk ang.

❑ **Synod Social Front**

- ◆ June 20-23, 2024 chhung hian Kanghmun Bial chhung Kohhran tinah 'Ei leh Bar Intodelh' Seminar leh Campaign nei turin campaigner-te, Dr. Saithantluanga leh Pu Lalremruata te an kal ang.
- ◆ June 22, 2024 (Inrinni) hian Sihphir Vengthar Bialah Career Guidance Awareness Campaign nei turin Pu F. Vanlalrochana a kal ang.

❑ **Worship**

- ◆ June 20, 2024 (Ningani) hian Sakawrdai Bialah Zai hruai training neihpuiin Pu H. Lalrinmawia, Senior Music Instructor a kal.
- ◆ June 22, 2024 (Inrinni) hian Lungdai Bialah Worship Seminar nei turin Rev. Dr. K. Lallawmzuala, Executive Secretary leh Worship Committee member-te, Rev. F. Lalhmingthanga leh Rev. T.C. Laltlanzova te an kal ang.

❑ **MSSU**

- ◆ June 21, 2024 (Zirtawpni) hian Ramthar Veng Kohhranah Sunday School zirtirtu training neihpui turin trainer-te, Upa K. Vanlalnghaka leh Upa Zomuana Ralte te an kal ang.
- ◆ June 22, 2024 (Inrinni) hian N. Vanlaiphai Damdawi Veng Bialah Sunday School zirtirtu training neihpui turin trainer-te, Upa K. Zoremsanga, Upa Lalsiammawia Pachuau leh Upa H. Lalbuatsaiha te an kal ang.

- ❑ **Synod Prison Ministry**
June 21-23, 2024 chhung hian Central Jail-ah Revival Crusade neih a ni dawn a, he hunah hian Speaker Rev. Dr. Malsawmzoliana, ATC a ni ang a, NI. Lalrempuii Hnamte, NI. Ruth Lalmalsawmi leh One in Christ ten zaia rawngbawl na an nei baw k ang.
- ❑ **Synod Mission Board**
- ◆ **Jharkhand Mission Field**
June 10, 2024 (Pathianni) khan belhtu thar pakhat a awm a, ni 16 (Pathianni) khan belhtu thar paruk an awm.
 - ◆ **Odisha Mission Field**
June 16, 2024 (Pathianni) khan belhtu thar pakhat a awm.
 - ◆ **Assam Mission Field**
June 16, 2024 (Pathianni) khan belhtu thar pathum an awm.
 - ◆ **Calcutta Mission Field**
June 16, 2024 (Pathianni) khan belhtu thar 14 an awm.
 - ◆ **Delhi Mission Field**
June 16, 2024 (Pathianni) khan belhtu thar pathum an awm.
 - ◆ **Arunachal & Assam Mission Field (West)**
June 16, 2024 (Pathianni) khan belhtu thar panga an awm.
 - ◆ **Lucknow Mission Field**
June 16, 2024 (Pathianni) khan belhtu thar pathum an awm.
 - ◆ **Karbi Anglong Mission Field**
June 16, 2024 (Pathianni) khan belhtu thar pathum an awm.
 - ◆ **Nepal Mission Field**
June 16, 2024 (Pathianni) khan belhtu thar paruk an awm.
 - ◆ **Ramthar Campaign**
June 23, 2024 (Pathianni) zan hian Vaivakawn Vengthlang Kohhranah Ramthar Campaign nei turin Rev. R. Lalmingsanga, Mission Board Secretary leh Synod Mission Choir te an kal ang.

- ❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Muallungthu	Leimin tuar leh hliam tuar	78 5	₹ 9,04,000/-
2.	Zemabawk North leh South	Leimin tuar	17	₹ 1,85,000/-
3.	Lungleng-I	Damlo	1	₹ 10,000/-
4.	N. Lungleng	Damlo	1	₹ 10,000/-
			Belh khawm	₹ 11,09,000/-

- ❑ **FM Zoawi - Aizawl & Lunglei : Hruaina Eng Radio Programme**
June 21, 2024 (Zirtawpni) @ 7:30 p.m. : FAK HLA HUANG
- Solo** : R. Lalrinmawii (Arini) & Lalramnunmawii
Thusawi : Tv. Lalrinchhana, Counsellor, Synod Campus Ministry
- Chhungkaw pawimawhna
Zai : R. Lalnuntluangi, Lalhriatkimi feat Elvis Lalduatpuia
- ❑ **Su Samachar Prasaran Programme :**
June 23, 2024 (Pathianni) 5:30 pm. :
- Group/Choir/Solo** : Republic Veng Masihi Sangati - Prabhuki Prathana
Group/Choir/Solo : Soni Lalnunsangi - Sahara mujko
Sermon : Rev. P.C. Rohlira - Parmeswar Ke Samit Rahena
Group/Choir/Solo : Lalduhawma - Aradhana
Group/Choir/Solo : Fabiana Malsawmtluangi - Meri Zindagi

- ❑ **Hruaina Eng TV Programme**
- 20.6.2024 (Ningani)** 8:30 pm : Thupui zir bing
21.6.2024 (Zirtawpni) 5:00 pm : Kristian Naupang Pual
22.6.2024 (Inrinni) 5:30 pm : Puitling Sunday School Zirlai
23.6.2024 (Pathianni) 8:00 am : Weekly round up
 5:30 pm : Su Samachar Prasaran
24.6.2024 (Thawhtanni) 8:30 pm : Hruaina Eng Luang chhuak

- ❑ **Moderator leh Executive Secretary-te Programme:**

Rev. R. Vanlalngbaka : Moderator

June 22, 2024 Biak In hawn, Tachhip Kohhran
 June 22-23, 2024 Sateek Bial
 June 27, 2024 Ramthar BEC
 June 27, 2024 Hospital BEC

Rev. C. Zoramawia : Senior Executive Secretary

June 25, 2024 Pastor Infuihtharna

Rev. V.L. Luaia Hranleh : Executive Secretary

June 24, 2024 Rescue Home Committee
 June 25, 2024 Synod Social Front Executive Committee
 June 26, 2024 Central Kohhran Hmeichhe Committee
 June 27, 2024 Hospital BEC

Rev. Dr. K. Lallawmzuala : Executive Secretary

June 23, 2024 Tachhip Kohhran Biak In thar hawna hmanpui
 June 24, 2024 Central KṚP Committee
 June 25, 2024 Pastor infuihtharnaah
 June 26, 2024 Synfo Committee
 June 27, 2024 Ramthar BEC
 June 30, 2024 Ramhlun Sports Complex Kohhran-Prison Ministry programme

June 24-a Synod Service Board leh ni 28-a Synod Officers' Meeting (OM)-ah Moderator leh Executive Secretary te an ṭhu ang.

SYNOD BOOKROOM LEKHABU CHHUAK THAR - JUNE, 2024

1.	Apokrifa: SL&PB	₹ 200/-
2.	PCI Badge:	₹ 30/-
3.	Bible Thawnthu - 5: C. Laizawna	₹ 100/-
4.	Ka Thupui Ber Nangmah Fak Hi: C. Lalzarmawia	₹ 500/-
5.	Jehova Jire: Lalniliani	₹ 100/-
6.	Ka Rahbi: C. Lal Thlamuana	₹ 250/-
7.	Lalzuithanga & Prof. Siamkima Hnuhma: B. Lalthangliana	₹ 350/-
8.	Khawmthitheilova: Vanlalkhawma	₹ 250/-
9.	A Lai Bu: C. Laizawna	₹ 150/-
10.	Ben Hur: C. Laizawna lehlin	₹ 150/-
11.	Miracle Tales: C. Lalzawna	₹ 100/-
12.	Oliver Twist: C. Laizawna lehlin	₹ 150/-
13.	Leo Tolstoy Six Short Stories: C. Laizawna lehlin	₹ 150/-

RAWNGBAWLNA HNA RUAK DIL THEIH

A hnuai tarlan rawngbawl hnate hi Mizoram Presbyterian Kohhran hnuai a ruak a. Mizoram Presbyterian Kohhran mi, kum 18-35 inkar, ni 30.7.2024-a kum 18 pum tawh, kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form leh Tualchhung Kohhran Confidential Report Form hi Synod Service Board Office, Aizawl leh Synod Office, Lunglei atangin ni 20.6.2024 (Ningani) atangin lak theih a ni a. Dilna hi Synod Service Board Office, Aizawl-ah theh luh tur a ni a, dilna form man Rs.20/- a ni. Dilna form-ah hriat tur pawimawh tarlan a ni.

1. Synod Rescue Home, Durtlanga thawk tur

Hna hming : Chowkidar (Contract), Post 1
Thiamna : Class VIII certificate holder
Hlawh : Synod hnuai Chowkidar (contract) hlawh
(Quarters-a awm chilh thei a ni tur a ni).

2. John Williams Hospital, Lunglei-a thawk tur

Hna hming : Pharmacist (Contract), Post - 1
Thiamna : D.Pharm/B.Pharm. from any recognised University
Hlawh : Synod hnuai Pharmacist (contract) te hlawh

Dil theih hun chhung : Ni 19.7.2024 (Zirtawpni) dar 4 p.m. thleng
Written test hun : Ni 24.7.2024 (Nilaini) Dar 11:00 a.m.
Interview hun : Ni 30.7.2024 (Thawhlehi) Dar 10:30 a.m.

Sd/- Rev. C. Zoramawia
Secretary
Synod Service Board
Synod Office; Aizawl

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs.10/- a lei theih a ni
Dil hun chhung : August 23, 2024 (Zirtawpni) tlai dar 3:00 thleng
Dil thei chin : Class VII pass, kum 16 chin, Kohhran dan chhunga awm
Interview : August 27, 2024 (Thawhlehi) chawhma dar 10:00
Class tan hun : September 2, 2024 (Thawhtanni)
Zir hun chhung : September - December, 2024

Hrechiang duh tan Phone No. 8974613378/8296035491/9612174790-ah zawhfiah theih a ni.

Sd/-
Rev. Lalrinsanga
Principal
Presbyterian Bible School

